

Ny Valosoa sy hadihady

Andry Rajoelina

Tsy manana ny fanohanana sy fankatoavan'ny vahoaka Malagasy

Manaporofy ny tahotri Andry Nirina Rajoelina, na dia lany tamin'ny alalan'ny didy navoakan'ny Fitsarana Avo momba ny Lalàmpanorenana aza izy, fa tsy manana ny fanohanana sy fankatoavan'ny vahoaka Malagasy (légitimité) ny fahalaniany. Hiteraka tsy fahamarinan-toerany eo amin'ny lafiny politika izany toe-javatra izany ka efa manao hetsika sy vava tsy mifanaraka amin'ny Lalàmpanorenana sahadry Andry Nirina Rajoelina. Tsy vao izao no nanitsakitsaka ny Lalàmpanorenana ity filohan'ny Repoblika IV ity fa nandritra ny dimy taona nitondrany. Angamba didy tsy azo ivalozana izay avoakan'ny Fitsarana Avo momba ny Lalàmpanorenana kanefa na dia ity Andrim-panjakana ity aza dia miverin-dàlana toy ny fozaorana tsy an-kijanona. Manaporofy izany ny fanendrena ny filoham-panjakana mpisolo toerana taorian'ny fametraham-pialan'i Andry Nirina Rajoelina ka nomeny ny governemata izany fahafana izany kanefa dia nanendry ny filohan'ny Antenimieran-doholona, napetraka tamin'ny fomba tsy ara-dalàna indray, hiara-mitantana izany toeran'ny filoham-panjakana mpisolo toerana izany indray ny Fitsarana Avo momba ny Lalàmpanorenana. Mbola amin'ny 16 desambra 2023 vao hanao fihanianana i Andry Nirina Rajoelina dia efa nitarika delegasiona tany amin'ny Cop 28, tany Dubai sahadry izy ka nandany ny volam-bahoaka tamin'izany. Etsy an-kilany dia tsy misy manaiky ny nanatanterahana iny fifidianana tamin'ny 16 novambra 2023 iny ny maro an'isa ka porofon'izany ny nanarahan'ny fitopolo isan-jato maherin'ny mpifidy ny toromarika nomeny Vondron'ny kandida 10 tsy nandatsa-bato. Tsy azo lavina ny tsy fahampian'ny fampahafantarana ny vahoaka ny Fitsipiky ny Fifidianana (Code Electoral) fa na firy na firy ny mpifidy tonga mandatsabato dia lany foana izay mahazo vato betsaka indrindra. Niteraka fahadi-soam-panantenana (frustration) ho an'ny maro izany kanefa tsy midika fa mandresy Andry Nirina Rajoelina satria araka ny efa voasoratra esty ambony dia tsy hisy filaminana ara-politika eto amin'ity Nosy ity manomboka izao. Ambonin'izany dia ny toe-javatra sahala amin'izao dia hiteraka herizika vaovao ho an'ny

olompirenena tena tia ny tanindrazany satria tsy misy manaiky filoham-pirenena frantsay izany satria famerenana ny fanjanahantany sy ny fanandevozana indray izany. Iaraha-mahita ihany koa ny ezaka ataon'ny Vovonana tarihan'ny Filohan'ny Antenimieram-pirenena sy ny Fivondronan'ny Fiangonana Kristiana eto Madagasikara miaraka amin'ireo Olobe eto amin'ny tanàna hitadiavana vahaolona amin'izao loza mihatra amin'ny Firenena izao. Mibaribary indray tato anatin'ny andro vitsivitsy fa mitady ny fomba rehetra hanapotehana ity Vovonana ity ny mpitondra ary azo hinoana fa ao ambadik'izany i Andry Nirina Rajoelina satria mampiady mpirahalaha iray tampo. Tsy mitsahatra ny miakatra tsy misy fitsaharany ny fankasitrahany maro ny Profesora Ranjeva Raymond noho ny traikefa hananany eo amin'ny famahana olana hatrany ivelany, indrindra teto Afrika. Niaraha nahita fa mpitondra tenin'ny Vovonana ity Olomnam-pirenena ity teo amin'ny fihaonana tamin'ireo mpiara miom-bonantoka amin'ny Madagasikara. Iaraha mahalala ihany koa fa anisan'ny olompirenena tsy mankasitrika ny fanatanterahana ny fifidianana ny 16 novambra 2023 izy ary ny antony lahibe amin'izany ny tsy fanekena ny naha kandida an'i Andry Nirina Rajoelina noho ny maha frantsay azy. Heverina fa izany fijo-roan'ny Profesora Ranjeva Raymond amin'ny fahamarinana sy ny fikatsahany ny famerenana ny tany tan-dalàna no anton'ny nanendrena ny rahalahiny, ny Jeneraly Ranjeva Marcel, ho « Grand Chancelier » hametraka ny mariboni-nahitra ambony indrindra amin'i Andry Nirina Rajoelina izay midika, araka ny hevitra ny mpitondra, fa manaiky ny maha filoham-pirenena azy ny Jeneraly ary manohitra izany fijo-roan'ny rahalahiny izany. Masina ny Tanindrazana ka tsy azo hadinoina fa : « ny daka no misy am-badika, ny loka no misy an-koatra; ny akanjo no soa misy paosy; ny trano no tsara misy efitra; ny tambin-toko no atao anankina; ny salaka no atao sisik' ila; ary ny hofak'ondry no soa mitsimbadika; fa ratsy koa raha ratsy, lehiretsy, raha mba mivadika ny marina».

Andry Tsiavalona

Antso Fiarahamonina Kristiana (AFK) Mila dinihina ny fiankinan-doha amin'ny vahiny

Andrandraina fatratra eto amin'ity firenena ity, ary ireo mpitondra no tena manao izany, ny vola vahiny sy ny fanohanana na famat-sim-bola avy amin'ny vahiny. Idedahan'ny mpitondra mihitsy ny milaza amin'ny haino aman-jery indrindra ny an'ny fanjakana ny fahazoana vola fanampiana na fampindramana avy any ivelany. Mazava loatra anefa, indrindra ho an'ny mahalala, fa mamatotra ny mpitondra sy ny firenena izany, ary tsy hita ho mahaso aza ny fiarahana niasa tamin'ny firenena sasany na dia efa aman-taonany maro aza no nisian'izany. Impiry ho ampiana foana ihany koa ity firenena ity ? Sa efa voafatotra tsara sy miankin-doha, ka tsy afaka intsony? Ho an'ny mpandalina dia natao mihitsy izay ahatonga ity firenena ity ho toy izany, satria mila zavatra be eto amintsika izay tsy ananany ireo firenena any ivelany. Izy ireo ihany koa amin'izao fotoana izao, dia mizotra mankany amin'ny fahasahiranana ary miaina anaty fifaninanana mahery vaika, fa samy te ho tafavoaka ara-toekarana indrindra taorian'ny krizy ara-pahasalamana manerantany ny taona 2020 iny. Mety miankina amin'ny ara-jeopolitika ihany koa anefa izany toe-javatra izany, ka ifandroritana ny firenentsika amin'izao fotoana izao. Eo indrindra no tena raharaha hoantsika Malagasy, indrindra ny mpitondra raha tsy mitoetra tsara sy mahay mifehy izay sehatra ara-jeopolitika izay. Raha mpitondra tsy mahay dia mety hamoha hampidanadana ny varavarana ahafahan'izay te-hiditra rehetra eto hanagorobaka sy hangorona ny harena eto amin'ny firenena. Ny any aminy anefa hidiny tanteraka ary ambulom-bazana no hany homeny izay mody saronany amin'ny hoe fanampiana na fanohanana dia tampina avokoa ny maso. Mila mahatakatra izany ny olom-pirenena eto amin'ity firenena ity, sao efa ho ritra ny harena eto vao ho tonga saina. Tsy tokony hian-drindra mafy sy hiankin-doha amin'ny any ivelany raha te hana-votra ny firenena ka hanandrata azy. Tsy misy afa-tsy ny samy Malagasy ihany no hahavotra ny firenena. Vonona ny amin'izany ny Vovonana Antso Fiarahamonina Kristiana (AFK) ary efa miasa ho amin'izany izy taona maromaro izay. Izay vonona hiara-hientana aminy, ny fifandraisana: 034 17 460 53.

Aris

TONTOKALO

MPANAO GAZETY

(Entina hampaherezana ireo mpanao gazety iharan'ny antsojay sy ny fanenjehana)

Misy ireo mpanao gazety tena fatra-pisolelaka, Loza raha hanindrahindra ireo mpitondra sy ny tariny. Hainy ny manasohaso sy mameno ny takelaka, Amim-pomba sy fiteny feno lainga novokarinny.

Raha jerena izay ambarany dia ho tsapa miharihary : Lahatsoratra poakaty feno hevitra fanary. Tsy mitaiza ny vahoaka hahafantatra ny marina, Fa mampianatra azy kosa mba ho « bado » mora anarina.

Misy koa mpanao gazety tsy mivoatra fa dia « mianina » Amin'ny fitantarana zava-misy tetsy , tatsy. Tsara ireny saingy indrisy, moa tsy ambinambin-kanina ? « Ro matsatso tsy ampy sira », tsy azo heverina ho vatsy !

Fa ny andiany manaraka , tia mikatsaka ny Rariny, 'Reo no hoe mpanao gazety « tena izy » fa tsy « sariny » . Tsy voavidividim-bola sy sakafo toy ny ankizy, Fa mpanao gazety mendrika, izy ireo no « tena izy » !

Tena vonon-kanambara izany « mety » sy « tsy mety », Fa izay mihitsy anie no tena hoe mpanao gazety. Tsy baikoin'ireo mpitondra mba hanaraka ny heviny, Fa dia vonona hizaka ny eso sy ny levileviny !

...Soa fa nisy anao sakaiza, soa fa nisy anao ry zoky, Tena hoe mpanao gazety , sahy sedra, mahatoky . Tsy mivonona hitsoaka, tsy matahotra hotsaraina, Fa mitolona isan'andro nefa tsy miferin'aina.

Soa fa nisy anao nijoro sady tsy mba nihalangalana, Soa fa nisy anao hanoro ireo mpitondra diso lalana. Soa fa nisy anao hitaiza ny vahoaka manontolo , Soa fa teo ianao sakaiza, namana mpanolokolo !

Fa ny hoe mpanao gazety dia mpitolona tsy vizana. Izy ireo sy ny poety , manan-toetra itovizana. Vonona ny hotsaraina , (sanatria tsy hiala vehana), F'efa tena nosedraina tami-memim-panenjehana !

(Nalaina tao amin'ny asa soratr'i SEDERA RAVALISON mitondra ny lohateny hoe : MANDRESY NY MARINA (31-12-2000)



Potika ny Air Mad, potika ihany koa ny Madagascar Airlines

Rmdm Melaku : NY MANDINIKA IHANY NO MAHALALA. Taloha ela be hono rankizy an, nisy an'izany hoe Air Madagascar izany, nanana flotte de 14 avions de ligne.

Ny fanjakana malagasy koa tetsy an-daniny nanana fiamanidina manokana anaky 2, Boeing 737-300 nantsoina hoe Air force one, sy Boeing 737-700 nantsoina hoe Air force one 2. Saingy tonga moa ny revolisiona loranjy, fanonganam-panjakana nataon-dry Rajoelina, ny vahoaka rahateo noana sy draba sady sagnana, ka dia tsy hita fa dia nanjavona aby izy aby.

Rova Randriamahefa : sendra izay tsy mifaditrovana ny fireneko.

Marcelin Ramilison : angano sisa !

Randriamanjaka Tahiry : t@ zany lazaina fa mangalatra Ravalomanana, kouuu Zao nahita sarin'i Joba tsara.

Miandry Soa : ôtran lay olona nanana trano dia namidy ary lanilany foana t@ tsis dikaby ny vidiny nefa manofa trano lafo ndray avy eo!

Andrianaly Malala Njarsoa : Miandry Soa : satria tranoben'ny malagasy lay izy dia norobainy. Izy frantsay mpanandevo afrikanina.

Riribe Toamasina : fiahny ELABE hono rankizy an, nanana Sambo mpiady, nanana VATSY I,II,III,IV ISIKA- NANANA MIG 18-MIG 21... EFA lasa aluminium nanamboarana soto Sy vilany Ary angady avokoa ireo Zao.

Jaohajarsoa : Riribe Toamasina : tena marina izany zokibe a!



Riribe Toamasina : zao nivadika vatsy tsinjo lay SAMBO VATSY 1-2-3-4.

Mimie Maman : c'est triste.

Andre Chan Lai : zay ny fahaizany mitantana, ity fitondrana ity.

Fara Holinirina Ramiandrasoa : tsara ny flotte tamin'ny 2008/2009.

Henjana Milay : Tena nopotehan'ny tsy matahotody ny fananam- pirenena, nosy tsy manana avion , nosy tsy manana sambo , tena nopotehany tanteraka noho ny tsy fahaiza-mitantana sy fitiavantena diso tafahoatra.

Victor Rabe : jiron'akoho sy vatsy tsinjo ary tosika fameno,... vary be carry sisa anjaran'ny vahoaka mpitrongy vao homana. Any am-paodin'ny mpitondra fozan-dRajoelina ny vola vidin'ireo.